



Broj: 05-19-1297/23

Datum: 21.07.2023. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj: 39/14 i 59/22) i člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, Općinski načelnik d o n o s i

O D L U K U **o poništenju postupka javne nabavke**

I

Poništava se postupak javne nabavke usluga: „Izrada Elaborata o inženjerskogeološkim i geotehničkim osobinama terena sa izvođenjem istražnih radova za potrebe Izmjena i dopuna Regulacionog plana „Rosulje““.

II

Za izvršenje ove Odluke zadužuje se Služba za urbanizam i prostorno planiranje Općine Vogošća.

III

Odluka o poništenju postupka javne nabavke objavit će se na web stranici www.vogosca.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 05-19-1297/23 od 30.06.2023. godine.

Procijenjena vrijednost javne nabavke sa PDV-om je: 18.000,00 KM (slovima: osamnaest hiljada konvertibilnih maraka).

Obavještenje o javnoj nabavci broj: 1353-1-2-135-3-127/23 od 30.06.2023. godine, poslano je na objavu na Portal javnih nabavki.

Komisija za javnu nabavku roba, usluga i radova je imenovana Odlukom Općinskog načelnika broj: 02-04-364/23 od 28.02.2023. godine.

Iz Zapisnika sa otvaranja ponuda i Zapisnika o pregledu i ocjeni ponuda Komisije za javnu nabavku je vidljivo da su dana 21.07.2023. godine pristigle ponude slijedećih ponuđača sa ukupnim ponuđenim cijenama kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	GEO AVAS d.o.o. Sarajevo	17.623,00	/	17.623,00
2.	GEO KONZALTING d.o.o. Sarajevo	15.470,00	/	15.470,00

Nakon izvršenog otvaranja ponuda Komisija je pristupila analizi dokumentacije iz pristiglih ponuda u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom i Zakonom i podzakonskim aktima, te je Komisija konstatovala slijedeće:

1. Ponuda ponuđača **GEO AVAS d.o.o. Sarajevo** nije pravilna iz razloga što je ponuđač na dokumentu: Aneks 1- Sadržaj ponude, načinio ispravke korektorom, koje nisu potvrđene potpisom ponuđača, niti je naveden datuma sačinjavanja ispravki, a kako je zahtijevano tačkom 8.1.14. tenderskog dokumenta kojim je propisano kako slijedi: „Ispravke u ponudi moraju biti izrađene na način da su vidljive. Ispravke moraju biti potvrđene potpisom ponuđača, uz navođenje datuma ispravke.“
2. Ponuda ponuđača **GEO KONZALTING d.o.o. Sarajevo** nije pravilna iz razloga što je Izjave o ispunjavanju uslova iz člana 45. i 52 Zakona o javnim nabavkama potpisala G. Emina Demirović, a iste su na osnovu Aktuelnog izvoda iz sudskog registra broj: 065-0-RegZ-23-006391 od 20.06.2023. godine i Punomoći OV broj: EL-73623/2023 od 15.06. 2023. godine, ovjerene od strane Službe za opću upravu Općine Ilidža. Ponuda imenovanog ponuđača broj: P122-1051-23 od 14.07.2023. godine u predmetnom postupku javne nabavke nije sadržavala Punomoć, iz koje je vidljivo da je G.Emina Demirović ovlaštena od strane direktora za potpisivanje istih.

U skladu sa naprijed navedenim ponude ponuđača: GEO AVAS d.o.o. Sarajevo i GEO KONZALTING d.o.o. Sarajevo kao takve se nisu mogle uzeti u dalje razmatranje.

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 69. stav 2) tačka e) Zakona o javnim nabavkama donese Odluku o poništenju postupka javne nabavke usluga: „Izrada Elaborata o inženjerskogeološkim i geotehničkim osobinama terena sa izvođenjem istražnih radova za potrebe Izmjena i dopuna Regulacionog plana „Rosulje““, jer nijedna od primljenih ponuda nije pravilna/prihvatljiva.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o poništenju postupka javne nabavke donešena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

OPĆINSKI NAČELNIK

Migdad Hasanović

Izradila: Jasna Salihović

Kontrolisala: Melisa Kršo

DOSTAVITI:

- GEO AVAS d.o.o. Sarajevo
- GEO KONZALTING d.o.o. Sarajevo
- Nadležnoj Službi
- a/a